

天大梵天光天少光天無量光天極光淨天
淨天少淨天無量淨天遍淨天廣天少廣天
無量廣天廣果天聞彼說法所種善根若無
煩天無執天善現天善見天色究竟天聞彼
說法所種善根若善男子善女人等聞所說
法發趣無上正等覺心勤修種種諸菩薩行

如是一切合集稱量現前發起比餘善根為
最為勝為尊為高為妙為微妙為上為無上
無等無等等隨喜之心復以如是隨喜善根
與諸有情皆悉同共回向無上正等菩提於
如是時若正解了諸能隨喜回向之法盡滅
離變諸所隨喜回向之法自性皆空雖如是

知而能隨喜回向無上正等菩提復於是時
若正解了都無有法可能隨喜回向於法何
以故以一切法自性皆空空中都無能所隨
喜回向法故雖如是知而能隨喜回向無上
正等菩提是菩薩摩訶薩若能如是隨喜回
向修行般若波羅蜜多修行靜慮精進安忍

十七末

淨戒布施波羅蜜多無想顛倒無心顛倒無
見顛倒所以者何是菩薩摩訶薩於隨喜心
不生執著於所隨喜功德善根亦不執著於
回向心不生執著於所回向無上菩提亦不
執著由無執著不墮顛倒如是菩薩摩訶薩
所起隨喜回向心名為無上隨喜回向

大般若波羅蜜多經卷第一百六十九 寒九

殖植反一同時力也恐惛反下之業戲論反上許義反

棄反折摧反折剌反七賜反捐路茶反上居謂反

羅緊捺洛反中如達反

大般若波羅蜜多經卷第一百七十 寒十

大唐三藏法師 玄奘 奉 詔譯

初分隨喜迴向品第三十一之三 王字大

復次大士若菩薩摩訶薩於所修作諸福業
事正知離色離受想行識正知離眼處離耳
鼻舌身意處正知離色處離聲香味觸法處

正知離眼界離色界眼識界及眼觸眼觸為緣所生諸受正知離耳界離聲界耳識界及耳觸耳觸為緣所生諸受正知離鼻界離香界鼻識界及鼻觸鼻觸為緣所生諸受正知離舌界離味界舌識界及舌觸舌觸為緣所生諸受正知離身界離觸界身識界及身觸

身觸為緣所生諸受正知離意識界離法界意識界及意觸意觸為緣所生諸受正知離地界離水火風空識界正知離無明離行識名色六處觸受愛取有生老死愁歎苦憂惱正知離布施波羅蜜多離淨戒安忍精進靜慮般若波羅蜜多正知離內空離外空內外空

空空大空勝義空有為空無為空畢竟空空無際空散空無變異空本性空自相空共相空一切法空不可得空無性空自性空無性自性空正知離真如離法界法性不虛妄性不變異性平等性離生性法定法住實際虛空界不思議界正知離苦聖諦離集滅道聖諦

正知離四靜慮離四無量四無色定正知離八解脫離八勝處九次第定十遍處正知離四念住離四正斷四神足五根五力七等覺支八聖道支正知離空解脫門離無相無願解脫門正知離五眼離六神通正知離佛十力離四無所畏四無礙解大慈大悲大喜大

捨十八佛不共法正知離無忘失法離恒住捨性正知離一切智離道相智一切相智正知離一切陀羅尼門離一切三摩地門正知離菩薩摩訶薩行正知離佛無上正等菩提是菩薩摩訶薩於所修作諸福業事如是正知能正隨喜迴向無上正等菩提

復次大士若菩薩摩訶薩正知所修隨喜俱行諸福業事遠離所修隨喜俱行諸福業事自性正知如來應正等覺遠離如來應正等覺自性正知如來應正等覺所有功德遠離如來應正等覺功德自性正知聲聞獨覺菩薩遠離聲聞獨覺菩薩自性正知聲聞獨覺

卷十

二

菩薩所修善根遠離聲聞獨覺菩薩善根自性正知菩提心遠離菩提心自性正知回向心遠離回向心自性正知所回向無上正等菩提遠離所回向無上正等菩提自性正知般若波羅蜜多遠離般若波羅蜜多自性正知靜慮精進安忍淨戒布施波羅蜜多遠離

靜慮精進安忍淨戒布施波羅蜜多自性正知內空遠離內空自性正知外空內外空空大空勝義空有為空無為空畢竟空無際空散空無變異空本性空自相空共相空一切法空不可得空無性空自性空無性自性空遠離外空乃至無性自性空自性正知真如遠離真如自性正知法界法性不虛妄性不變異性平等性離生性法定法住實際虛空界不思議界遠離法界乃至不思議界自性正知苦聖諦遠離苦聖諦自性正知集滅道聖諦遠離集滅道聖諦自性正知四靜慮遠離四靜慮自性正知四無量四無色定遠

離四無量四無色定自性正知八解脫遠離八解脫自性正知八勝處九次第定十遍處遠離八勝處九次第定十遍處自性正知四念住遠離四念住自性正知四正斷四神足五根五力七等覺支八聖道支遠離四正斷乃至八聖道支自性正知空解脫門遠離空

三

三

解脫門自性正知無相無願解脫門遠離無相無願解脫門自性正知五眼遠離五眼自性正知六神通遠離六神通自性正知佛十力遠離佛十力自性正知四無所畏四無礙解大慈大悲大喜大捨十八佛不共法遠離四無所畏乃至十八佛不共法自性正知無忘失法遠離無忘失法自性正知恒住捨性遠離恒住捨性自性正知一切智遠離一切智自性正知道相智一切相智遠離道相智一切相智自性正知一切陀羅尼門遠離一切陀羅尼門自性正知一切三摩地門遠離一切三摩地門自性正知菩薩摩訶薩行遠

離菩薩摩訶薩行自性正知佛無上正等菩提遠離佛無上正等菩提自性是菩薩摩訶薩如是修行離性般若波羅蜜多能正隨喜回向無上正等菩提復次大士諸菩薩摩訶薩於已涅槃一切如來應正等覺及諸弟子功德善根若欲發起隨喜回向無上正等菩

提心者應作如是隨喜回向謂作是念如諸如來應正等覺及諸弟子皆已滅度功德善根亦復如是我所發起隨喜回向無上正等菩提之心及所回向無上菩提其性亦亦如是隨喜回向無上正等菩提無想顛倒無心顛倒無見顛倒若菩薩摩訶薩以取相為方

便修行般若波羅蜜多於彼一切佛及弟子功德善根取相隨喜回向無上正等菩提是為非善隨喜回向以過去佛及弟子眾功德善根非相無相所取境界是菩薩摩訶薩以取相念發起隨喜迴向無上正等菩提是故非善隨喜回向由此因緣墮想顛倒墮心顛

倒墮見顛倒若菩薩摩訶薩不取相為方便修行般若波羅蜜多於彼一切佛及弟子功德善根離相隨喜回向無上正等菩提是名為善隨喜回向由此因緣是菩薩摩訶薩隨喜回向離想顛倒離心顛倒離見顛倒

爾時彌勒菩薩摩訶薩問具壽善現言大德

寒十一

云何菩薩摩訶薩於諸如來應正等覺及弟子眾功德善根隨喜俱行福業事等皆不取相而能隨喜回向無上正等菩提具壽善現答言大士應知菩薩摩訶薩所學般若波羅蜜多中有如是等善巧方便雖不取相而所作成非離般若波羅蜜多有能發起隨喜俱

行諸福業事回向無上正等菩提彌勒菩薩摩訶薩言大德善現勿作是說所以者何以甚深般若波羅蜜多中一切如來應正等覺及弟子眾功德善根皆無所有不可得故所作隨喜諸福業事亦無所有不可得故發心回向無上菩提亦無所有不可得故此中菩

薩摩訶薩修行般若波羅蜜多時應如是觀
過去諸佛及弟子衆功德善根性皆已滅所
作隨喜諸福業事發心回向無上菩提性皆
寂滅我若於彼一切如來應正等覺及弟子
衆功德善根取相分別及於所作隨喜俱行
諸福業事發心回向無上菩提取相分別以

是取相分別方便發起隨喜回向無上正等
菩提諸佛世尊皆所不許何以故於已滅度
諸佛世尊及弟子等取相分別隨喜回向無
上正等菩提是大有所得故是故菩薩摩訶
薩欲於諸佛及弟子衆功德善根正起隨喜
回向無上正等菩提不應於中起有所得取

案十

五

相分別隨喜回向若於其中起有所得取相
分別隨喜回向佛不說彼有大義利何以故
如是隨喜回向之心妄想分別雜毒藥故譬
如有食雖具上妙色香美味而雜毒藥愚人
淺識貪取噉之雖初適意歡喜快樂而後食
消備受衆苦或便致死若等失命如是一類

補特伽羅不善受持不善觀察不善誦讀不
了知義而告大乘種性者曰來善男子汝於
過去未來現在一切如來應正等覺從初發
心至得無上正等菩提轉妙法輪度無量衆
入無餘依般涅槃已乃至法滅於其中間若
修般若波羅蜜多已集當集現集善根若修

靜慮精進安忍淨戒布施波羅蜜多已集當
集現集善根若住內空已集當集現集善根
若住外空內外空空大空勝義空有爲空
無爲空畢竟空無際空散空無變異空本性
空自相空共相空一切法空不可得空無性
空自性空無性自性空已集當集現集善根

若住真如已集當集現集善根若住法界法
性不虛妄性不變異性平等性離生性法定
法住實際虛空界不思議界已集當集現集
善根若住苦聖諦已集當集現集善根若住
集滅道聖諦已集當集現集善根若修四靜
慮已集當集現集善根若修四無量四無色

定已集當集現集善根若修八解脫已集當集現集善根若修八勝處九次第定十遍處已集當集現集善根若修四念住已集當集現集善根若修四正斷四神足五根五力七等覺支八聖道支已集當集現集善根若修空解脫門已集當集現集善根若修無相無

願解脫門已集當集現集善根若修五眼已集當集現集善根若修六神通已集當集現集善根若修佛十力已集當集現集善根若修四無所畏四無礙解大慈大悲大喜大捨十八佛不共法已集當集現集善根若修無忘失法已集當集現集善根若修恒住捨性

六

六

已集當集現集善根若修一切智已集當集現集善根若修一切相智已集當集現集善根若修一切陀羅尼門已集當集現集善根若修一切三摩地門已集當集現集善根若嚴淨佛土已集當集現集善根若成孰有情已集當集現集善根若諸如來應正

等覺所有戒蘊定蘊慧蘊解脫蘊解脫智見蘊及餘一切無數無量無邊功德。若佛弟子一切有漏無漏善根若諸如來應正等覺已當現記諸天人等獨覺菩提所有功德若諸天龍藥叉健達縛阿素洛揭路荼緊捺洛莫呼洛伽人非人等已集當集現集善根若善

男子善女人等於諸功德發起隨喜回向善根如是一切合集稱量現前隨喜與一切有情同共回向阿耨多羅三藐三菩提如是所說隨喜回向以有所得取相分別而為方便如食雜毒初益後損故此非善隨喜回向所以者何以有所得取相分別發起隨喜回向

之心有因有緣有作意有戲論不應般若波羅蜜多彼雜毒故則為謗佛不隨佛教不隨法說菩薩種性補特伽羅不應隨彼所說修學是故大德應說云何住菩薩乘諸善男子善女人等應於過去未來現在十方世界一切如來應正等覺及弟子等功德善根隨喜

六

七

回向謂彼諸佛從初發心至得無上正等菩提轉妙法輪度無量衆入無餘依般涅槃已乃至法滅於其中間若修般若波羅蜜多集諸善根若修靜慮精進安忍淨戒布施波羅蜜多集諸善根若住內空集諸善根若住外空內外空空空大空勝義空有爲空無爲空

畢竟空無際空散空無變異空本性空自相空共相空一切法空不可得空無性空自性空無性自性空集諸善根若住真如集諸善根若住法界法性不虛妄性不變異性平等性離生性法定法住實際虛空界不思議界集諸善根若住苦聖諦集諸善根若住集滅

道聖諦集諸善根若修四靜慮集諸善根若修四無量四無色定集諸善根若修八解脫集諸善根若修八勝處九次第定十遍處集諸善根若修四念住集諸善根若修四正斷四神足五根五力七等覺支八聖道支集諸善根若修空解脫門集諸善根若修無相無

願解脫門集諸善根若修五眼集諸善根若修六神通集諸善根若修佛十力集諸善根若修四無所畏四無礙解大慈大悲大喜大捨十八不共法集諸善根若修無忘失法集諸善根若修恒住捨性集諸善根若修一切智集諸善根若修道相智一切相智集諸

善根若修一切陀羅尼門集諸善根若修一切三摩地門集諸善根若嚴淨佛土集諸善根若成熟有情集諸善根若諸如來應正等覺所有戒蘊定蘊慧蘊解脫蘊解脫智見蘊及餘一切無數無量無邊功德若佛弟子一切有漏無漏善根若諸如來應正等覺已當

現記諸天人等獨覺菩提所有功德若諸天龍藥叉軋達縛阿素洛揭路荼緊捺洛莫呼洛伽人非人等集諸善根若善男子善女人等於諸功德發起隨喜回向善根住菩薩乘諸善男子善女人等云何於彼功德善根發起隨喜回向無上正等菩提具壽善現白言

奉

大士住菩薩乘諸善男子善女人等修行般若波羅蜜多若欲不謗諸佛世尊而發隨喜回向心者應作是念如諸如來應正等覺以無上佛智了達遍知諸功德善根有如是類有如是體有如是相有如是法而可隨喜我今亦應如是隨喜又如諸如來應正等覺以

無上佛智了達遍知應以如是_{業事}回向無上正等菩提我今亦應如是回向住菩薩乘諸善男子善女人善於諸如來應正等覺及弟子等功德善根應作如是隨喜回向若作如是隨喜回向則不謗佛隨佛所教隨法而說是菩薩摩訶薩如是隨喜回向之心

不雜衆毒終至甘露無上菩提復次大士住菩薩乘諸善男子善女人等修行般若波羅蜜多於諸如來應正等覺及弟子等功德善根應作如是隨喜回向如色不墮欲界色界無色界既不墮三界則非過去未來現在隨喜回向亦應如是如受想行識不墮欲界色

界無色界既不墮三界則非過去未來現在隨喜回向亦應如是如眼處不墮欲界色界無色界既不墮三界則非過去未來現在隨喜回向亦應如是如耳鼻舌身意處不墮欲界色界無色界既不墮三界則非過去未來現在隨喜回向亦應如是如色處不墮欲界

九

九

色界無色界既不墮三界則非過去未來現在隨喜回向亦應如是如聲香味觸法處不墮欲界色界無色界既不墮三界則非過去未來現在隨喜回向亦應如是如眼界不墮欲界色界無色界既不墮三界則非過去未來現在隨喜回向亦應如是如色界眼識界

及眼觸眼觸為緣所生諸受不墮欲界色界無色界既不墮三界則非過去未來現在隨喜回向亦應如是如耳界不墮欲界色界無色界既不墮三界則非過去未來現在隨喜回向亦應如是如聲界耳識界及耳觸耳觸為緣所生諸受不墮欲界色界無色界既不

墮三界則非過去未來現在隨喜回向亦應如是如鼻界不墮欲界色界無色界既不墮三界則非過去未來現在隨喜回向亦應如是如香界鼻識界及鼻觸鼻觸為緣所生諸受不墮欲界色界無色界既不墮三界則非過去未來現在隨喜回向亦應如是如舌界

不墮欲界色界無色界既不墮三界則非過去未來現在隨喜回向亦應如是如味界舌識界及舌觸舌觸為緣所生諸受不墮欲界色界無色界既不墮三界則非過去未來現在隨喜回向亦應如是如身界不墮欲界色界無色界既不墮三界則非過去未來現在

隨喜回向亦應如是如觸界身識界及身觸身觸為緣所生諸受不墮欲界色界無色界既不墮三界則非過去未來現在隨喜回向亦應如是如意界不墮欲界色界無色界既不墮三界則非過去未來現在隨喜回向亦應如是如法界意識界及意觸意觸為緣所

生諸受不墮欲界色界無色界既不墮三界則非過去未來現在隨喜回向亦應如是如地界不墮欲界色界無色界既不墮三界則非過去未來現在隨喜回向亦應如是如水火風空識界不墮欲界色界無色界既不墮三界則非過去未來現在隨喜回向亦應如

第十

是如無明不墮欲界色界無色界既不墮三界則非過去未來現在隨喜回向亦應如是如行識名色六處觸受愛取有生老死愁歎苦憂惱不墮欲界色界無色界既不墮三界則非過去未來現在隨喜回向亦應如是如布施波羅蜜多不墮欲界色界無色界既不

墮三界則非過去未來現在隨喜回向亦應如是如淨戒安忍精進靜慮般若波羅蜜多不墮欲界色界無色界既不墮三界則非過去未來現在隨喜回向亦應如是如內空不墮欲界色界無色界既不墮三界則非過去未來現在隨喜回向亦應如是如外空內外

空空空大空勝義空有為空無為空畢竟空
無際空散空無變異空本性空自相空共相
空一切法空不可得空無性空自性空無性
自性空不墮欲界色界無色界既不墮三界
則非過去未來現在隨喜回向亦應如是如
真如不墮欲界色界無色界既不墮三界則

非過去未來現在隨喜回向亦應如是如法
界法性不虛妄性不變異性平等性離生性
法定法住實際虛空界不思議界不墮欲界
色界無色界既不墮三界則非過去未來現
在隨喜回向亦應如是如苦聖諦不墮欲界
色界無色界既不墮三界則非過去未來現

奉

士

在隨喜回向亦應如是如集滅道聖諦不墮
欲界色界無色界既不墮三界則非過去未
來現在隨喜回向亦應如是如四靜慮不墮
欲界色界無色界既不墮三界則非過去未
來現在隨喜回向亦應如是如四無量四無
色定不墮欲界色界無色界既不墮三界則

非過去未來現在隨喜回向亦應如是如八
解脫不墮欲界色界無色界既不墮三界則
非過去未來現在隨喜回向亦應如是如八
勝處九次第定十遍處不墮欲界色界無色
界既不墮三界則非過去未來現在隨喜回
向亦應如是如四念住不墮欲界色界無色

界既不墮三界則非過去未來現在隨喜回
向亦應如是如四正斷四神足五根五力七
等覺支八聖道支不墮欲界色界無色界既
不墮三界則非過去未來現在隨喜回向亦
應如是如空解脫門不墮欲界色界無色界
既不墮三界則非過去未來現在隨喜回向

亦應如是如無相無願解脫門不墮欲界色
界無色界既不墮三界則非過去未來現在
隨喜回向亦應如是如五眼不墮欲界色界
無色界既不墮三界則非過去未來現在隨
喜回向亦應如是如六神通不墮欲界色界
無色界既不墮三界則非過去未來現在隨

喜回向亦應如是如佛十力不墮欲界色界無色界既不墮三界則非過去未來現在隨喜回向亦應如是如四無所畏四無礙解大慈大悲大喜大捨十八佛不共法不墮欲界色界無色界既不墮三界則非過去未來現在隨喜回向亦應如是如無忘失法不墮欲

界色界無色界既不墮三界則非過去未來現在隨喜回向亦應如是如恒住捨性不墮欲界色界無色界既不墮三界則非過去未來現在隨喜回向亦應如是如一切智不墮欲界色界無色界既不墮三界則非過去未來現在隨喜回向亦應如是如道相智一切

三

三

相智不墮欲界色界無色界既不墮三界則非過去未來現在隨喜回向亦應如是如一切陀羅尼門不墮欲界色界無色界既不墮三界則非過去未來現在隨喜回向亦應如是如一切三摩地門不墮欲界色界無色界既不墮三界則非過去未來現在隨喜回向

亦應如是如戒蘊不墮欲界色界無色界既不墮三界則非過去未來現在隨喜回向亦應如是如定蘊慧蘊解脫蘊解脫智見蘊不墮欲界色界無色界既不墮三界則非過去未來現在隨喜回向亦應如是如預流果不墮欲界色界無色界既不墮三界則非過去

未來現在隨喜回向亦應如是如一來果不還果阿羅漢果不墮欲界色界無色界既不墮三界則非過去未來現在隨喜回向亦應如是如獨覺菩提不墮欲界色界無色界既不墮三界則非過去未來現在隨喜回向亦應如是如諸菩薩摩訶薩行不墮欲界色界

無色界既不墮三界則非過去未來現在隨喜回向亦應如是如諸佛無上正等菩提不墮欲界色界無色界既不墮三界則非過去未來現在隨喜回向亦應如是所以者何如彼諸法自性空故不墮三界非三世攝隨喜回向亦復如是謂諸如來應正等覺自性空

三

三

故不墮三界非三世攝諸佛功德自性空故
不墮三界非三世攝聲聞獨覺及人天等自
性空故不墮三界非三世攝彼諸善根自性
空故不墮三界非三世攝於彼隨喜自性空
故不墮三界非三世攝所回向法自性空故
不墮三界非三世攝能回向者自性空故不

墮三界非三世攝若菩薩摩訶薩修行般若
波羅蜜多如實知色不墮欲界色界無色界
如實知受想行識不墮欲界色界無色界若
俱不墮三界則非過去未來現在若非三世
則不可以彼有相為方便有所得為方便發
生隨喜回向無上正等菩提何以故以色等

法自性不生若法不生則無所有不可以彼
無所有法隨喜回向無所有故若菩薩摩訶
薩修行般若波羅蜜多如實知眼處不墮欲
界色界無色界如實知耳鼻舌身意處不墮
欲界色界無色界若俱不墮三界則非過去
未來現在若非三世則不可以彼有相為方

便有所得為方便發生隨喜回向無上正等
菩提何以故以眼處等法自性不生若法不
生則無所有不可以彼無所有法隨喜回向
無所有故若菩薩摩訶薩修行般若波羅蜜
多如實知色處不墮欲界色界無色界如實
知聲香味觸法處不墮欲界色界無色界若

俱不墮三界則非過去未來現在若非三世
則不可以彼有相為方便有所得為方便發
生隨喜回向無上正等菩提何以故以色處
等法自性不生若法不生則無所有不可以
彼無所有法隨喜回向無所有故若菩薩摩
訶薩修行般若波羅蜜多如實知眼界不墮

欲界色界無色界如實知色界眼識界及眼
觸眼觸為緣所生諸受不墮欲界色界無色
界若俱不墮三界則非過去未來現在若非
三世則不可以彼有相為方便有所得為方
便發生隨喜回向無上正等菩提何以故以
眼界等法自性不生若法不生則無所有不

卷十

四

可以彼無所有法隨喜回向無所有故若菩薩摩訶薩修行般若波羅蜜多如實知耳界不墮欲界色界無色界如實知聲界耳識界及耳觸耳觸為緣所生諸受不墮欲界色界無色界若俱不墮三界則非過去未來現在若非三世則不可以彼有相為方便有所得

為方便發生隨喜回向無上正等菩提何以故耳界等法自性不生若法不生則無所有不可以彼無所有法隨喜回向無所有故若菩薩摩訶薩修行般若波羅蜜多如實知鼻界不墮欲界色界無色界如實知香界鼻識界及鼻觸鼻觸為緣所生諸受不墮欲界色

界無色界若俱不墮三界則非過去未來現在若非三世則不可以彼有相為方便有所得為方便發生隨喜回向無上正等菩提何以故以鼻界等法自性不生若法不生則無所有不可以彼無所有法隨喜回向無所有故若菩薩摩訶薩修行般若波羅蜜多如實

知舌界不墮欲界色界無色界如實知味界舌識界及舌觸舌觸為緣所生諸受不墮欲界色界無色界若俱不墮三界則非過去未來現在若非三世則不可以彼有相為方便有所得為方便發生隨喜回向無上正等菩提何以故以舌界等法自性不生若法不生

奉

去末

則無所有不可以彼無所有法隨喜回向無所有故若菩薩摩訶薩修行般若波羅蜜多如實知身界不墮欲界色界無色界如實知觸界身識界及身觸身觸為緣所生諸受不墮欲界色界無色界若俱不墮三界則非過去未來現在若非三世則不可以彼有相為方便有所得為方便發生隨喜回向無上正等菩提何以故以身界等法自性不生若法不生則無所有不可以彼無所有法隨喜回向無所有故若菩薩摩訶薩修行般若波羅蜜多如實知意識界及意觸意觸為緣所生諸

受不墮欲界色界無色界若俱不墮三界則非過去未來現在若非三世則不可以彼有相為方便有所得為方便發生隨喜迴向無上正等菩提何以故以意界等法自性不生若法不生則無所有不可以彼無所有法隨喜迴向無所有故

大般若波羅蜜多經卷第一百七十

寒十

大般若波羅蜜多經卷第一百七十一

來一

大唐三藏法師

玄奘

詔譯

初分隨喜迴向品第三十一之四

若菩薩摩訶薩修行般若波羅蜜多如實知地界不墮欲界色界無色界如實知水火風空識界不墮欲界色界無色界若俱不墮三

界則非過去未來現在若非三世則不可以彼有相為方便有所得為方便發生隨喜迴向無上正等菩提何以故以地界等法自性不生若法不生則無所有不可以彼無所有法隨喜迴向無所有故若菩薩摩訶薩修行般若波羅蜜多如實知無明不墮欲界色界

無色界如實知行識名色六處觸受愛取有生老死愁歎苦憂惱不墮欲界色界無色界若俱不墮三界則非過去未來現在若非三世則不可以彼有相為方便有所得為方便發生隨喜迴向無上正等菩提何以故以無明等法自性不生若法不生則無所有不可

以彼無所有法隨喜迴向無所有故若菩薩摩訶薩修行般若波羅蜜多如實知布施波羅蜜多不墮欲界色界無色界如實知淨戒安忍精進靜慮般若波羅蜜多不墮欲界色界無色界若俱不墮三界則非過去未來現在若非三世則不可以彼有相為方便有所